

**Adami Tanneri E Societate Iesv, S. Theologiæ D. Et In  
Academia Ingolstad. Professoris, Theologiæ Scholasticæ  
Tomus ...**

Cum triplici Indice

De Fide, Spe, Charitate, Ivstitia, Religione, caeterisq[ue] virtutibus [et]  
vitijs: ac varijs hominum statibus. Secvndae Secvundae S. Thomae  
Aqvinatis Respondens

**Tanner, Adam**

**Ingolstadii, 1627**

III. De dono Sapientiæ Charitati respondentे.

---

[urn:nbn:de:hbz:466:1-72877](https://nbn-resolving.de/urn:nbn:de:hbz:466:1-72877)

que virtutis inter se comparentur, (abstrahendo ab obiecto & subiecto) nimur amare, & aliorū miferias subleuare. In Deo vero maximam dici intelligo, non comparatiū aut quia vel in ipso Deo præstantior sit charitate, qua Deus seipsum diligit; sed absolute, & in suo genere: ita vt etiam secundū abstractam rationem in homine non sit maxima, in Deo vero sit maxima, & vndique perfecta, etsi Caietanus & Bannes hic q. 3 o. a. 4. & Gregorius de Valentia q. 7. pun. 3. aliter atque aliter mentem S. Thomæ interpretentur.

32

**ASSERTIO VI.** Inter omnes tamen virtutes, quæ proprie ad proximum pertinent, potissima est misericordia; sicut etiam est potioris actus. Ita S. Thomas cit. a. 4. Ratio est. Nam suppleret defectum alterius in quantum est huiusmodi, est superioris & melioris. In eundem etiam sensum Augustinus lib. 9 de ciuit. cap. 5. ex Cicerone contra Stoicos differens ait: *Longe melius & humanius, & piorum sensibus accommodatius Cicero in Cesari lande locutus est, ubi ait: Nulla de virtutibus tuis nec admirabilior, nec gravior misericordia est.* Sicut etiam summa Religionis Christianæ in misericordia & pietate consistit; nempe quantum ad exteriora opera, iuxta Glossam Ambrosij super illud 1. ad Timoth. 4. *Pietas ad omnia utilis est.*

Interior tamen affectio charitatis, qua coniungimur Deo, eique per affectum vniur, ac similes reddimur, preponderat & dilectioni, & misericordia in proximos, per quam assimilamus Deo secundum similitudinem operationis. Quamvis autem misericordia per se virtute Religionis inferior sit, fit tamen saepe, ut magis necessarius sit misericordia actus quam Religionis, iuxta illud Osee 6. & Matthaei 12. *Misericordiam volo, & non sacrificium.*

33

Quæritur secundo, an & qualis virtus, seu virtutis actus, sit beneficentia. **ASSERTIO I.** Beneficentia non est virtus specialis, & à Charitate distincta; sed est specialis actus & effectus externus charitatis. Ita S. Thomas q. 31. a. 1. & 4. ex Aristotle 9. Ethic. cap. 4. vbi inter alios amicitia actus refert, operari bonum ad amicos. Ratio est; quia beneficentia, qua alteri benefacimus, immediate oritur ex benevolentia seu actu dilectionis, qua volumus bonum amico. Cum quo non pugnat, quo minus bonum exhibeat alteri, sub aliqua peculiari ratione, etiam per alias virtutes, puta misericordiam, iustitiam, &c. Sicut enim charitas respicit in beneficio collato communem rationem boni (seu vt bene sit amico) ita iustitia respicit ibi rationem debiti: misericordia vero respicit rationem relevantis miseriam vel defectum, iuxta S. Thomam q. 31. a. 1. in corpore, & ad 3.

34

**ASSERTIO II.** Cum omnibus quidem benefaciendum est, tum magis his, qui sunt nobis magis coniuncti; seruato in omnibus debito charitatis ordine. Ita S. Thomas q. 31. a. 2. & 3. Pater ex illo ad Galat. cap. 6. v. 10. *Ergo dum tempus habemus, operemur bonum ad omnes, maxime autem ad domesticos fidei.* Ratio est, quia sicut interior affectus charitatis, seruato debito ordine, complectitur omnes, vt superioris dictum; ita etiam beneficentia, vel effectus interior amoris ad omnes extenditur, eodem ordine seruato, vt dictum hac q. 3. dub. 1. & 2.

**ASSERTIO III.** Beneficentia actus materialiter idem sunt, cum actibus externis misericordia & Eleemosyna, tum corporalis, tum spiritualis; qui proinde eodem modo dividuntur. Supponit S. Thomas q. 32. & 33. vbi de eleemosyna, & correctione fraterna, velut actibus externis charitatis agit; & patet ex quaestio 1. assertione 1. vbi simul ostendimus, qua ratione actus beneficentiae & misericordiae inter se formaliter differant.

## D V B I V M III.

## De dono sapientiae Charitati respondente.

S. Thomas 2. 2. q. 45. &amp; 46.

**Q**uamvis de dono sapientiae charitati respondente longe inferius primum agat S. Thomas, etiam post via Charitati opposita, vt tamen occasione virtutis misericordiae, omnes habitus Charitati adiuncti & affines hoc loco pertractentur, visum est consilium, tractationem de dono sapientiae misericordiae subiungere. Quæritur igitur primo, quid & quale sit donum sapientie charitati respondens; & qua ratione eidem opponatur stultitia.

**ASSERTIO I.** Sapientia est donum Spiritus sancti, quo homo à Spiritu sancto motus secundum regulas diuinas, velut ex quadam naturæ consensione, de Deo rebusque omnibus recte iudicat. Ita S. Thomas q. 45. a. 1. & 4. Probatur ex illo lib. 11. v. 2. *Requiescit super eum spiritus Domini, spiritus sapientie & intellectus.* Vbi sapientia inter dona Spiritus sancti numeratur.

Ratio est; quia sicut generatim ad sapientem pertinet, considerare causam altissimam, per quam certissime de alijs iudicatur, & secundum quam omnia ordinari necesse est; sive ea causa, ac sapientia, ad quam pertinet, sit talis simpliciter, sive solum in aliquo certo genere: ita ad sapientem simpliciter modoq; perfectissimo pertinet, vt cognoscat causam altissimam simpliciter; quæ est Deus, ita vt per regulas diuinæ omnia possit iudicare & ordinare; idq; non ex nulla speculacione & consideratione rerum; talis enim sapientia valde imperfecta est, & hominibus etiam stultis, hoc est, peccatoribus communis; sed etiam ex quadam connatur aliate sive interna coniunctione mentis cum Deo, ac rebus diuinis, vi inferius magis declarabitur.

Huiusmodi autem iudicium homo non consequitur, nisi per Spiritum sanctū, iuxta illud 1. Cor. 2. v. 14. *Animalis homo non percipit ea, quæ sunt spiritus Dei; stultitia enim est illi, & non potest intelligere, quia spiritualiter examinatur.* Spiritualis autem iudicatio omnia, & ipse à nemine iudicatur. Quia nimis, vt ibidem dicitur, *spiritus omnia scrutatur, etiam profunda Dei.* Patet ergo sapientiam de qua agimus, esse donum Spiritus sancti.

**ASSERTIO II.** Sapientia, quæ donum est Spiritus sancti, non modo speculativa, sed etiā practica est. Ita S. Thomas q. 45. a. 3. Probatur, ex illo ad Coloss. 4. v. 5. *In sapientia ambulate ad eos, qui foris sunt, tempus redimentes:* quod ad actionem pertinet. Idem probatur ex Augustinolib. 12. de.

Trinitate

39

Trinitate cap. 14. vbi ait: Superior pars rationis sapientia deputatur; inferior autem scientia. Superior autem ratio ut idem cit. lib. cap. 7. ait, intendit rationibus supernis (scilicet diuinis) & conspiciendis, & consulendis: conspiciendis quidem secundum quod diuina in seipso contemplatur, consulendis autem, secundum quod per diuina iudicat de humanis actibus, per diuinam regulam dirigenz actus humanos, vt bene explicat sanctus Thomas. Ratio est; quia quanto aliquanta virtus est altior, tanto ad plura se extendit, vt habetur lib. de causis proposit. 10. Quare hoc ipso, quod sapientia, quæ est donum, est excellentior quam sapientia, quæ est virtus intellectualis, utpote magis de propinquio (seu speciali quadam ratione) Deum attingens, per quandam spirituam unionem, (quæ scilicet fit per charitatem) anima adipsum; habet quod non solum dirigit in contemplatione, sed etiam in actione; ita tamen ut ad sapientiam prius pertineat contemplatio diuinorum, quæ est visio principij; & posterius, dirigere actus humanos secundum rationes diuinam. Et quoniam diuina in se quidem sunt necessaria & aeterna, sunt tamen regula contingentium, quæ humanis actibus subsunt.

40 Nec obstat quod Sapientia 8. v. 16. dicitur: Non habet amaritudinem conuersatio illis, (sapientia) nec tedium conuictus illis; sed letitiam & gaudium; Cum tamen Gregorius lib. 6. Moral. cap. 28. dicat. In contemplatione principium quod Deus est queritur: in operatione autem sub gratia necessitatis fasce laboratur. Quia si qua est in actibus, humanis amaritudo, ea non prouenit ex directione Sapientie, sed potius amaritudo propter Sapientiam veritatis in dulcedinem, & labor in quietem, vt ait S. Thomas ibidem.

41 Quæritur secundo, quoniam sit subiectum, tum proquinum tum remotum sapientia.

AsserTIO I. Sapientia proprie & formaliter est in intellectu; et si in voluntate charitatem velut cauam supponat. Prior pars patet; quia iudicium ad intellectum pertinet.

42 Posterior assertio pars declaratur. Rectitudo enim iudicij, qualis ad sapientiam pertinet, potest contingere dupliziter. Vno modo secundum perfectum usum rationis (sive accuratam ipsius rei considerationem); alio modo, propter connaturalitatem quandam ad ea, de quibus est iudicandum. Sicut de his, quæ ad castitatem pertinent, per rationis inquisitionem recte iudicat ille, qui didicit scientiam moralem, sed per quandam connaturalitatem ad ipsam, recte iudicat de eis ille, qui habet habitum castitatis. Eodem igitur modo circa res diuinam, ex rationis inquisitione rectum iudicium habere, pertinet ad Sapientiam, quæ est virtus intellectualis: sed rectum iudicium habere de eis, secundum quandam connaturalitatem ad ipsas, pertinet ad sapientiam, secundum quod donum est Spiritus Sancti. Quo sensu Dionysius cap. 2. de diuin. nomin. part. 1. de Hierotheo dixit; eum fuisse perfectum in diuinis, non solum discensem, sed & patientem diuinam. Huiusmodi autem compago (mentisque consensio) sive connaturalitas adres diuinas sit per charitatem, quæ Deo nos unit, eiusdemque natura participes nos quodammodo facit, secundum illud 1. ad Cor. 6. v. 17. Qui adharet Domino (per charitatem) unus spiritus est. Sic ergo sapientia, quæ est donum, causam quidem habet

in voluntate, scilicet charitatem, sed essentiam habet in intellectu, cuius actus est recte indicare. Ita S. Thomas ibidem.

Nec obstat primo illud Iob 28. v. 28. Timor Domini ipsa est sapientia, & recedere a malo intelligentia. Vbi Augustinus lib. 14. de Trinitate cap. 1. & lib. 12. cap. 14. legit: Et pietas (græce θεοτέλεια) ipsa est sapientia. Nam vt recte ait S. Thomas cit. q. 45. a. 1. ad 3. hoc ea solum ratione dicitur; quia tam pietas, quam timor, manifestat sapientiam; ita vt per figuram metonymiæ signum pro signato ponatur. Per hoc enim ostenditur homo rectum iudicium de diuinis habere, quod Deum timet & colit. Ad quem modum etiam, ponendo causam pro effectu, dicit Augustinus lib. de gratia noui Testamenti cap. 18. sapientiam esse charitatem Dei.

Nec obstat secundo, quod Eccli 6. dicitur vers. 13. Sapientia doctrina secundum nomen est eius. Dicitur enim sapientia qualis sapientia; quod videtur ad affectum pertinere; ad quem pertinet experiri spiritualia delectationes sive dulcedines. Ad hoc enim primo respondet S. Thomas a. 2. ad 2. eam non videtur veram expositionem eius loci scripturæ; quia talis exppositio, inquit, non conuenit nisi secundum nomen quod habet sapientia in latina lingua. In græco autem non competit; & forte nec in alijs linguis. Vnde potius videtur nomen sapientie accipi pro eius fama, qua à cunctis commendatur, vt sensus sit, Sapientia non esse sua fama minorem. Respondeo secundò etiam ea etymologia admittatur, ex ea solum colligi, sapientia in oblio etiam connotare sive aem affectionem charitatis erga Deum, quod iam antea concessimus.

ASSER TIO II. Donum Sapientie non est in peccatoribus; sed in omnibus gratiam & charitatem habentibus. Ita S. Thomas quæst. 45. a. 4. & 5. ex communis. Prima pars patet Sapientia 1. vers. 4. In malevolam animam non introbit sapientia, nec habitabit in corpore subditio peccatis. Spiritus enim Sanctus disciplina effugier factum. Ratio sumitur ex dictis; quia sapientia causat rectitudinem iudicij circa res diuinam, vel per regulas diuinam, de alijs ex quadam connaturalitate, sive unione ad diuinam, quæ est per charitatem; adeo vt sapientia presupponat charitatem; charitas autem non potest esse cum peccato mortali ut suo loco dicitur.

43 Secunda pars probatur ex Sapientia 7. v. 27. & v. 28. Sapientia per nationes in animas sanctas se transfert, amicos Dei & Prophetas constituit. Neminem enim diligit Deus, nisi eum, qui cum sapientia inhabitat. Ratio est, tum quia sapientia, ut dictum, proxime causatur a charitate: tum quia omnibus iustis necessarium est, habere rectum iudicium, tam in contemplatione diuinorum, quam etiam in ordinacione rerum humanarum, secundum diuinam regulam, & ex unione ad diuinam, quantum ad propriam personam directionem sufficit. Quod si natura non deficit in necessariis, multo minus gratia. Vnde dicitur 1. Joannis 2. v. 27. Unctio eius docet vos de omnibus.

44 Alia est sapientia, quam non omnes iusti, sed solum quidam a Deo percipiunt, tum quantum ad contemplationem diuinorum, vt altiora quædam mysteria & cognoscere, & alijs manifestare possint;

tum

tum quantum ad directionem humanorum secundum regulas diuinias, ut secundum eas non solum seipso, sed etiam alios regere possint, qui sapientiae gradus & modus ad gratias gratis datas pertinet, secundum illud 1. Cor. 12. v. 8. Alij quidem per spiritum datur formo sapientiae. De qua reactum disp. I. q. 7. dub. 6.

Quæritur tertio, quonam modo donum sapientiae tum ad charitatem, cæterosque habitus, tum ad septimam beatitudinem comparetur.

**ASSERTIO I.** Donum sapientiae est quidem tum à sapientia acquisita, tum à fide, tum à dono intellectus, & scientiae, tum etiam à charitate distinctus; sed quod tamē charitati merito respondere dicitur. Ita S. Thomas cit. q. 45. a. 1. ad 2. & a. 2. ad 3. & a. 4. ad 3. vbi ita rem hanc declarat. Nam sapientia, quæ ponitur virtus intellectualis acquisita, acquiritur studio humano; hæc autem quæ est donū Spiritus sancti, est de sursum descendens vt dicitur Iacobi 3. v. 15.

Similiter etiam differt à fide, nam fides assentit veritati diuina secundum seipsum: sed iudicium quod est secundum veritatem diuinam, (seu aestimatio recta, quæ de singulis rebus ex diuinis regulis concipiatur) pertinet ad donum sapientiae. Et ideo donum sapientie presupponit fidem: quia unusquisque bene iudicat, quæ cognoscit, vt dicitur 1. Ethic. cap. 3.

**Dissentit** idem à dono intellectus & scientiae, iuxta S. Thomam a 2. ad 3. Nā intellectus habet duos actus scilicet percipere, (veritatē) & iudicare seu aestimare quanti vnaquæque res facienda sit: ad quorū primū ordinatur donum intellectus; ad secundū autem, secundū rationes diuinæ, donū sapientiae, sed secundū rationes humanæ donum scientiae. Vbi per iudicium intelligenda videtur quædam aestimatio mentis vt dictū, quæ quisque ex rationibus diuinis iudicet, quanti facienda sint singula, seu de agibili, seu de rebus alijs sermo sit: quod quidem etiā iudicium, quatenus ex peculiari motione Spiritus sancti procedit, dono Sapientiae tribuitur iuxta eaque vniuersim de donis Spiritus sancti dixim⁹ tom. 2. disp. 3. q. 6. dub. 1.

A charitate autem differt, tum alijs modis, vt ex dictis patet: tum quia presupponit charitatē velut causam, qua proximè nititur iudicium ad sapientiam perinens, vt dictū; quæ etiam causa est, cur donū sapientiae respondeat charitati.

**ASSERTIO II.** Sed & septima beatitudo qua in Euangeliō pacifici beati pronuntiantur, sapientia dono quantum ad meritum, & quantū ad præmī congruer responderet. Ita S. Thomas q. 45. art. 6. ex Augustinilib. 1. de Sermone Domini in monte c. 9. vbi ait: sapientia conuenit pacifici, in quibus nullus motus est rebellis, sed obtemperans rationi.

Probatur & declaratur, Nam ad meritū quidem eius beatitudinis pertinet, quod dicitur: Beati pacifici. Pacifici autem dicuntur, quasi pacem facientes (græce εἰρηνεῖοι) vel in seipsum, vel etiam in alijs; quorum virum contingit per hoc, quod ea, in quibus pax constituitur, ad debitum ordinem rediguntur. Nam pax est tranquillitas ordinis, iuxta Augustinum 19. de Ciuit. Dei cap. 13. Ordinare autem pertinet ad sapientiam, vt patet ex Aristotele in principio metaph. Et ideo esse pacificum, conuenienter attribuitur sapientia.

Ad præmium autem eiusdem beatitudinis pertinet, quod dicitur, filii Dei vocabuntur. Dicuntur autem aliqui filii Dei, in quantum participant similitudinem filij

vnigeniti & naturalis, secundum illud Rom. 8. v. 29. Quos preficiunt & predestinavit conformes fieri imaginis filij sui, ut sit ipse primogenitus in multis fratribus: qui quidem naturalis Dei filius est sapientia genita. Et ideo participando domū sapientiae, ad Dei filiationem bono pingit.

Nec obstat, quod Iacobus 3. v. 17 non solum pax, sed etiā plures alij virtutum actus sapientiae tribuitur. Quæ autem de sursum est sapientia, primum pudica est, deinde pacifica, modesta, suadibilis, bonus consentiens, plena misericordia & fructibus bonis, non iudicans, sine simulatione. Fructus autem iustitiae in pace seminatur sapientibus pacem. Nam vt sapienter docet S. Thomas cit. q. 45. a. 6. ad 3. ad donū sapientiae pertinet, non solum contemplari diuina, sed etiam regularē humanas actus. In qua quidem directione primo ocurrunt remoto à malo, quæ aduersantur sapientiae, unde imber dicitur esse initū sapientiae, inquantū facit recedere à malo. Ultimū autem est sicut finis, quo omnia ad debitum ordinem rediguntur, quod perimer ad ratione pacem. Et ideo conuētenter Iacobus dicit, sapientia quæ de sursum est, quæ est donū Spiritus sancti, primum esse pudicā, quasi vitantē corruptelas peccati; deinde autem pacificā; quod est finalis effectus sapientiae, proprius quod ponitur beatitudo.

Iam vero omnia, quæ sequuntur manifestantur per quæ sapientia ad pacem perducit, & ordine congrua. Nam homini per pudicitiam à corruptelis recentem, primo occurrit, vt quantum ex se paret, modū in omnibus teneat; & quantum ad hoc dicitur, modesta. Secundo, vt in his, in quibus ipse sibi non sufficit, alteri monitis acquiescat, & quantum ad hoc subdit, suadibilis. Et hæc duo pertinent ad hoc, vt homo consequatur pacem in seipso. Sed vltierius ad hoc, vt homo sit pacificus etiam alijs, primo requiritur, vt bonis corū non repugnet, & hoc est, quod dicit, bonis consentiens. Secundo, vt deficiat proximi & compatiatur affectu, & subueniat effectu; & hoc est quod dicitur, indicat simulatione; ne scilicet correctionem prætendens, odium intendat explere. Ita S. Thomas loccit. Quaritur quarto, quænam via seu peccata opponuntur sapientiae. De hac re esto.

**ASSERTIO I.** Sapientia diuina oppositum, tum triplex sapientia mundana & falsa, nimirum terrena, animalis, diabolica; tum stultitia, in falso iudicio de rebus diuinis positra. Ita S. Thomas q. 45. a. 1. ad 1. & q. 46. a. 1. Prima pars sumitur ex illo Iacobi 3. v. 15. Non est enim ista sapientia de sursum descendens sed terrena, animalis, diabolica. Ratio est, sicut enim circa ea, quæ sunt vere bona, inuenitur aliqua alijs sima causa, quæ est summum bonum & ultimū finis, cuius cognitione dicitur homo vere sapiens: ita etiā in malis est inuenire aliquid, ad quod alia referatur, vel ultimum fine, cuius cognitione homo dictere se sapientes sunt, vt faciant mala: bene autem facere nesciunt.

Id autem fit tripliciter. Quicquid enim avertitur à fine debito, necesse est, vt aliquæ finem indebitū sibi præstituat; quia omne agens agit propter finem. Unde si præstituat sibi finē in bonis terrenis exterioribus, vocatur sapientia terrena: si autem in bonis corporalibus, vocatur sapientia animalis: si autem in aliqua excellentia, vocatur sapientia diabolica, propter imitationem superbia diaboli, de quo dicitur Job. 41. v. 25. Ipse est rex super uniuersos filios superbia.

55 Posterior pars assertionis traditur à S. Gregorio lib. 2. Morali cap. 3 6. vbi ait: *Donum sapientie datur contra stultitiam. Declaratur. Nomen enim stultitiae à stupore videtur desumptum, quando Isidorus lib. 10. Etym. cap. 18. dicit: stultus est, qui propter stuporem non mouetur. Et differt stultitia à fatuitate, sicut ibidem dicitur: Quia stultitia importat hebetudinem cordis, & obtusum sensum, (scilicet internorum mentis,) fatuitas autem importat totaliter spiritualem sensus priuationem: & ideo conuenienter stultitia sapientiae opponitur. Sapiens enim, ut ibidem notat Isidorus, dicitur à stupore; quia sicut stultus est aptus addiscretionem sapientis ciborum: sic sapiens ad dignoscientiam rerum atque causarum: adeo ut stultitia opponatur sapientiae: sicut contrarium; fatuitas autem sicut pura negatio. Nam fatuus caret sensu iudicandi: stultus autem habet sensum, sed hebetatum, sapiens autem subtilem & perspicacem.*

Principue autem videtur aliquis esse stultus, quando patitur defectum in sapientia iudicij, que attenditur secundum causam altissimam. Nam si deficiat in iudicio circa aliquid modicum, non ideo vocatur aliquis stultus.

Alia vero est stultitia laudabilis, de qua Apostolus 1. ad Cor. 3. v. 18. *Si quis videtur inter vos sapiens esse in hoc seculo, stultus fiat, ut sit sapiens.* Huic enim opponitur sapientia huius mundi, que ibidem stultitia apud Deum dicitur; quia constituit & habet pro causa altissima & fine ultimo aliquid terrenum bonum ut dictum. Sicut ergo haec est falsa quedam & mala sapientia, ita etiam est aliqua stultitia bona eidem sapientiae opposita, per quam quis terrena contemnit.

57 ASSERTIO II. Stultitia illa carnalis, diuinæ sapientiae opposita, qua quis ita rebus terrenis immigrit, ut ad res diuinæ percipiendas ineptus reddatur, iuxta illud 1. Cor. 2. v. 14. *Animalis homo non percipiet ea, quae sunt spiritus Dei: stultitia enim est illi, & non potest intelligere, quia spiritualiter examinatur, est peccatum, & quidem ex luxuria nasci solitum.* Ita S. Thomas q. 46. a. 2. & 3. Ratio est; quia homo diuinæ legi tenetur scire & intelligere diuinam, pro sua quisque persona conditione. Et quamvis stultitia secundum se & directe nemo velit, *vult ramena, ad qua consequitur esse stultum, scilicet abstrahere sensum suum à spiritualibus, & immergere terrenis;* quo sit, ut stultitia saltem indirecte sit voluntaria.

58 Et quia dum mens hominis immigrit ad terræna per luxuriam, cuius delectationibus anima absorbetur, simul etiam sit ineptus ad spiritualia diuinæ iudicanda, ideo stultitia, que est peccatum, maxime nascitur ex luxuria.

Hoc vero peccatum stultitia committunt omnes peccantes mortaliiter iuxta illud Eccles. 1. v. 13. *Stultorum infinitus est numerus, etiam per se ac vniuersim non sit peccatum speciale ac distinctum ab eo,* in cuius materia peccatur, iuxta ea que de ignorantia docuimus tom. 2. disp. 4.

q. 9. dub. 1. vbi de hac replura.

## D V B I V M IV.

*De preceptis charitatis, speciatim quod, & quotuplex, tam de ipsa dilectione, quam de ordine diligendi preceptum extet; & num in hac vita impleri possit; ac quandonam obliget.*

S. Thomas 2.2. q. 44. aa. 8.

59 *Sicut aliarum virtutum, ita etiam charitatis præcepta duplices sunt generis, quædam affirmativa, quibus actus charitatis præcipiuntur; alia negativa, quibus virtus charitati opposita prohibentur. De negativa autem non est in præsenti sermo; hæc enim inferius, vbi speciatim de singulis virtutibus charitatis oppositis agitur, tractanda sunt: sed est sermo solum de præceptis affirmativis, ac ijs potissimum, quæ circa ipsum aëtum amandi versantur.*

Quæ etiam causa est, cur quamvis S. Thomas de præceptis Charitatis primum agat sub finem huius materiæ de Charitate, nos tamen hoc loco post internos charitatis actus explicatos, de hac re agendum duxerimus. De obligatione vero externi actus beneficentia patebit ex ijs, quæ de elemosyna & correctione fraterna quæstione sequenti tractabuntur, cum eadem actus elemosynæ, & beneficentia, quoad obligationem sit ratio, seu proportio.

Porro omnia quæ de præceptis charitatis S. Thomas cit. q. 44 tractat, ad sequentia quæstia reuocantur 1. quodnam & quotuplex sit præceptum charitatis de ipsa dilectione. 2. vtrum etiam ordo charitatis cadat sub præcepto. 3. vtrum præceptum de diligendo Deo in hac vita possit impleri, de quibus omnibus breuiter sequentes assertiones statuimus.

ASSERTIO I. Conueniens fuit, ut aliquod de charitatis dilectione erga Deum daretur præceptū. Ita S. Thomas cit. q. 44. a. 1. Pater ex scriptura, ex qua constat, re ipsa tale præceptum à Deo fuisse traditū Deuteronomio 10. v. 12. & Matthæi 22. v. 37. Ratio est. Quia in quolibet genere, id quod est per se, potius est, magis; necessariū eo, quod est proprietatis, ac proinde in unoquoq; negotio magis debitum est id, quod est finis carerorum, quam media, que non nisi propter aliud debita sunt: at vero actus dilectionis erga Deum, qua homo per charitatem vnitur Deo, habet se per modum finis, respectu aliorum actuum virtutis; eo enim velut ad finem ordinantur omnia, quæ pertinent ad spiritualem vitam.

Vnde & Apostolus dicit 1. ad Timoth. 1. v. 5. *Fini præcepti est charitas, de corde pure, & conscientia bona, & fide non ficta.* Omnes enim virtutes, de quarum actibus dantur præcepta, ordinantur vel ad purificandum cor à turbibibus passionum, sicut virtutes, quæ sunt circa passiones: vel saltē ad habendam bonam conscientiam, sicut virtutes, quæ sunt circa operaciones: vel ad habendam rectam fidem, sicut illæ, quæ pertinent ad diuinum cultum. Et hæc tria requiruntur ad diligendum Deum. *Nam cor impurum à Dei dilectione abstrahitur, propter passionem inclinantem ad terrena. Conscientia vero mala facit horrere diuinam iustitiam, propter timorem pœnae. Fides autem ficta trahit affectum*

60

61